

第一冊第三課 心肝仔囝

〈食喜酒〉

丸仔：哇，阿母，你妝甲遮爾嬌，是欲去佗位？

阿母：你敢會記得較早蹕佇隔壁彼个志明阿叔？伊欲結婚矣，請咱去食喜酒。

豆仔：食喜酒，我嘛欲去。

丸仔：阿母，我穿好矣。

豆仔：一聽著食的，你的動作就隨變緊矣。

丸仔：這是當然的啊。

阿母：好矣啦，咱緊來去。

(阿母、豆仔佻丸仔行佇路裡)

豆仔：阿母，你看，是阿公佻阿媽。

豆仔、丸仔：阿公，阿媽。

阿公：恁母仔囝妝甲嬌噹噹，欲去食喜酒喔？

丸仔：阿公，你有夠厲害的呢。

阿媽：是欲食啥物人的喜酒？

豆仔：抑就隔壁阿叔啊。

阿公：緊去，緊去，傷晏到就食無。

豆仔、丸仔：阿公、阿媽，再會。

(三个人來到餐廳)

阿母：想袂到，恁志明阿叔變甲遮爾仔緣投喔。

丸仔：阿兄，我對這個阿叔一點仔印象攏無呢。

豆仔：我嘛是。

阿母：恭喜恭喜喔。

新郎：請問你是？

阿母：我是蹕佇隔壁的惠美姊仔。你攏叫我阿姊，你袂記矣喔。

新郎：阿姊？你是蹕阮隔壁的阿姊？

豆仔、丸仔：阿叔，你好。

新郎：恁是？

豆仔：我是豆仔，這是阮小妹丸仔。

新郎：你是惠美阿姊，你是豆仔，你是丸仔。

新郎：請問，我敢捌恁？

阿母：志明啊，你的記持實在有夠穩的呢。你才搬走三冬，就攏袂記矣喔。

新郎：我……我毋是叫志明啦。

(阿滿孀行出來)

阿滿孀：恁行毋著所在矣啦。志明喔佇咧隔壁啦。

阿母：啊，我的紅包，敢會使提轉來。

【講看覓】

第一、丸仔^個去食喜酒的路裡，有拄著啥物人？

第二、新郎是按怎袂認得丸仔^個一家伙仔？